

PLANET BIKE

Odaberi i vežbaj kod kuće

OTVORI

Hronika

Drugi put bačena bomba na kuću advokata Faruka Balijagića



Foto: N.N. | Drugi put bačena bomba na kuću advokata Faruka Balijagića



Nataša Tadić
21.09.2021 15:52

TUZLA - U tuzlanskom naselju Kula sinoć oko dva sata bačena je bomba ispred kuće tuzlanskog advokata Faruka Balijagića, koji je u bjekstvu u Hrvatskoj.

Odaberi i vežbaj kod kuće

Odaberi najbolje sprave u Planet Bike radnjama ili poruči online. PLANET BIKE

U eksploziji nije bilo povrijeđenih, ali je načinjena materijalna šteta, a motivi zasad nisu poznati.

Kako su kazali iz Uprave policije MUP-a TK, u utorak oko dva sata zaprimljena je prijava da je bačena eksplozivna naprava u tuzlanskom naselju Kula.

Povrijeđenih nije bilo, a uviđaj su obavili službenici OKP PU Tuzla koji nastavljaju rad na utvrđivanju identiteta i pronalasku osobe koja je bacila bombu. O svemu je obaviješten i dežurni kantonalni tužilac.

Da je bomba bačena ispred Balijagićeve kuće, potvrdila je za "Avaz" i njegova kćerka Belma Balijagić Džuho i rekla da ne zna ko je za to odgovoran.

"Mi smo zatečeni, a komšiluk je ogorčen. I njihova imovina je oštećena. Koliko sam čula od policije, 'kašikara' je bačena, ali nisam sigurna. Imamo video-nadzor. Čitavo susjedstvo je pokriveno video-nadzorom", kazala je ona te dodala da je njen otac najavio povratak iz Hrvatske u BiH, pa je možda to motiv i neka vrsta pritiska.

Ovo nije prvi put da je kuća Balijagića napadnuta. Tako je 2011. godine također bačena bomba i pucano na kuću te je načinjena materijalna šteta, nije bilo povrijeđenih.

Faruk Balijagić i njegov sin Ado Balijagić uhapšeni su 2015. godine, a Tužilaštvo Kantona Sarajevo ih je teretilo za krivično djelo podstrekivanje na krivično djelo ubistva, teško krivično djelo protiv sigurnosti ljudi i imovine i krivično djelo razbojništva.

Faruk Balijagić je optužen za podstrekivanje na izvršenje krivičnih djela, uključujući ubistvo, a nakon puštanja iz pritvora, pobjegao je Hrvatsku, gdje ima hrvatsko državljanstvo te nekoliko nekretnina.

Adi Balijagiću je suđeno u Kantonalnom sudu u Sarajevu, gdje je osuđen na tri godine zatvora zbog podstrekavanja na ubistvo, razbojništva i ugrožavanja sigurnosti. Vrhovni sud FBiH je poništio presudu i pustio ga na slobodu.

Kantonalni sud u Sarajevu u ponovljenom suđenju u julu ove godine donio je presudu kojom se Ado Balijagić oslobađa svih optužbi po optužnici Kantonalnog tužilaštva Sarajevo.

Faruk Balijagić i dalje tvrdi da je optužnica protiv njega montirana te je zatražio da se vrati u BiH, ali da ne ide u zatvor.

BOMBA TUZLA ADVOKAT IMOVINA KUĆA



Prigovori i ispravke

PLANET BIKE

Odaberi i vežbaj kod kuće

OTVORI

Nove vijesti

-
- Uhapšeni u aferi " Korona ugovori" na pretragama na UKC-u RS
-
- Lažnu diplomu pokušao da ovjeri kao pravu
-
- Opljačakao kafić u Prijedoru pa ga zapalio
-
- Šešić: Prijete mi preko društvene mreže
-
- Uhapšen u Banjaluci zbog prijetnji policajcu
-
- Uhapšen Banjalučanin osumnjičen da je pretukao muškarca
-
- Uhapšene dvije osobe zbog krijumčarenja migranata
-
- Uhapšen vozač sa 2,71 promil alkohola u organizmu
-
- Ukraden golf sa parkinga u Tesliću
-
- U Novoj Topoli uhapšen muškarac iz Travnika zbog krađe

Vrh stranice

Naslovna Novosti Sport Ekonomija Kultura Život i stil Magazin Auto-moto Nauka i tehnologija

Kontakt Marketing Pravila korištenja Kolačići Impressum

Facebook Twitter RSS Elektronsko izdanje

© 1995 - 2015 NIGD "DNN" (Dnevne nezavisne novine). Rješenjem Ministarstva Informacije Republike Srpske broj 01- 45/95, "Nezavisne novine" upisane su u registar javnih glasila pod brojem 118.